

欽定前漢書

十史十卷
三九二

前漢書卷二十九

漢 蘭 臺 令 史班 固撰

唐正議大夫行秘書少監琅邪縣開國子顏師古注

溝洫志第九

應劭曰溝廣四尺深四尺洫廣深倍於溝師古曰洫音許域反

夏書禹堙洪水十三年

師古曰堙塞也洪水氾濫疏通而止塞之堙音因

過家

不入門陸行載車水行乘舟泥行乘毳

孟康曰毳形如箕撻行泥上如

淳曰毳音茅藇之藇謂以板置泥上以通行路也師古曰孟說是也

山行則楬

如

曰楬謂以鐵如錐頭長半寸施之履下以上山不蹉跌也韋昭曰楬木器如今輿牀人舉以行也師古曰如說

是也楬音居足反

以別九州

師古曰分其界

隨山浚川

師古曰順山之高下而深其流

任土作貢

師古曰任其土地所有以定貢賦之差也

通九道陂九澤度九山

師古曰言通九州之道及鄆遏其澤商度其山也度音大各反然河菑之美溢害中國

也尤甚

師古曰羨讀與衍同音弋戰反

唯是爲務故道河自積石

師古曰道

治也引也從積石山而治引之令通流也道讀曰導

歷龍門南到華陰東下底柱

師古曰底音之履反

及明津雒內至于大伾

鄭氏曰山一成爲伾在脩武武德界張晏

曰成臯縣山是也臣瓚以爲今脩武武德無此山也成臯縣山又不一成也今黎陽山臨河豈是乎師古曰內

讀曰內伾音皮彼反解在地理志○劉奉世曰瓚說是也師古以爲在成臯非也○宋祁曰明邵本作盟於

是禹以爲河所從來者高水湍悍難以行平地

師古曰急流曰

湍悍勇也湍音它端反

數爲敗廼醺二渠以引其河

孟康曰醺分也分其流泄

其怒也二渠其一出貝邱西南南折者也其一則漯川也河自王莽時遂空唯用漯耳師古曰醺音山支反漯

音它合反

北載之高地過降水至於大陸播爲九河

師古曰播布也

同爲逆河入于勃海

臣瓚以爲禹貢夾右碣石入于河則河入海乃在碣石也武帝元光

二年河移徙東郡更注勃海禹時不注也師古曰解在地理志

九川旣疏九澤旣陂諸

夏乂安

師古曰疏分流

功施乎三代自是之後滎陽下引河東

南爲鴻溝以通宋鄭陳蔡曹衛與濟汝淮泗會於楚

劉

奉世曰一鴻溝固不能旁通六國數百里之間又濟自從千乘入海安得會于楚也

西方則通渠

漢川雲夢之際東方則通溝江淮之間於吳則通渠三

江五湖於齊則通淄濟之間於蜀則蜀守李冰鑿離隄

晉灼曰隄古堆字也隄岸也師古曰音丁回反

避沫水之害

師古曰沫音本末之末沫水出蜀西

南徼外東南入江

穿二江成都中此渠皆可行舟有餘則用漑

師古曰漑灌也音工代反

百姓饗其利至於它往往引其水用漑田

溝渠甚多然莫足數也魏文侯時西門豹爲鄴令有令

名

師古曰有善政之稱

至文侯曾孫襄王時與羣臣飲酒王爲羣

臣祝曰令吾臣皆如西門豹之爲人臣也史起進曰魏

氏之行田也以百畝

師古曰賦田之法一夫百畝也

鄴獨二百畝是田

惡也漳水在其旁西門豹不知用是不智也知而不興

是不仁也仁智豹未之盡何足法也於是史起爲鄴

令遂引漳水溉鄴以富魏之河內民歌之曰鄴有賢令

兮爲史公決漳水兮灌鄴旁終古烏鹵兮生稻粱

蘇林曰終

古猶言

久古也爾雅曰鹵鹹苦也師古曰烏卽斥鹵也謂鹹鹵之地也

其後韓聞秦之好

興事欲罷之無令東伐

如淳曰息秦滅韓之計也師古曰罷讀曰疲令其疲勞不能出

兵 廼使水工鄭國間說秦師古曰間音居令鑿涇水自

中山西邸瓠口爲渠師古曰中讀曰仲卽今九並北山

東注洛三百餘里師古曰並音步浪反欲以溉田中作

而覺師古曰中作謂用秦欲殺鄭國鄭國曰始臣爲間

然渠成亦秦之利也臣爲韓延數歲之命而爲秦建萬

世之功秦以爲然卒使就渠渠成而用溉注填闕之水

溉焉鹵之地四萬餘頃收皆畝一鍾師古曰注引也闕

反填淤謂壅泥也言引淤濁之水灌鹹鹵於是關中爲

沃野無凶年秦以富彊卒并諸侯因名曰鄭國渠漢興

三十有九年孝文時河決酸棗東潰金隄師古曰潰橫

決也金隄河

乾隆四年校刊

前漢書卷三十九

溝洫志

三

隄名也在東郡白馬界隄丁奚反

於是東郡大興卒塞之其後三十六

歲孝武元光中河決於瓠子東南注鉅野

師古曰鉅野澤名舊屬兗

州界卽今之鄆州鉅野縣

通於淮泗上使汲黯鄭當時與人徒塞之

輒復壞是時武安侯田蚡爲丞相其奉邑食鄆鄆居河

北

師古曰奉音扶用反鄆音輸清河之縣也

河決而南則鄆無水災邑收入

多蚡言於上曰江河之決皆天事未易以人力彊塞彊

塞之未必應天而望氣用數者亦以爲然是以久不復

塞也時鄭當時爲大司農言異時關東漕粟從渭上

師古

日異時往時也

度六月罷

師古曰計度其功六月而後可罷也度音大各反

而渭水道

九百餘里時有難處引渭穿渠起長安旁南山下

師古曰旁

音步浪反

至河三百餘里徑易

師古曰徑直也易音弋鼓反

漕度可令三

月罷

○劉奉世曰按今渭汭至長安僅三百里固無九百餘里而云穿渠起長安旁南山至河中間隔灞

產數大川固又無緣山成渠之理此說可疑今亦無其迹

罷而渠下民田萬餘頃又

可得以溉此損漕省卒而益肥關中之地得穀上以爲

然令齊人水工徐伯表

師古曰巡行穿渠之處而表記之今之豎標是

發卒數

萬人穿漕渠三歲而通以漕大便利其後漕稍多而渠

下之民頗得以溉矣後河東守番係

師古曰姓番名係也番音普安反

言漕從山東西歲百餘萬石

師古曰謂從山東運漕而西入關也

更底柱

之艱

師古曰更歷也音庚

敗亡甚多而煩費穿渠引汾溉皮氏汾

陰下引河溉汾陰蒲坂下

師古曰引汾水可用溉皮氏及汾陰以下而引河水可用

溉汾陰及蒲坂以下地形所宜也

度可得五千頃故盡河粟棄地

師古曰謂

河岸以下緣河邊地素不耕墾者也

民菱牧其中耳

師古

日菱乾草也謂收菱草及牧畜產於其中菱音交

今溉田之

師古曰溉而種之

度可得

穀二百萬石以上穀從渭上與關中無異

師古曰雖從關外而來於

渭水運上皆可致之故日與關中收穀無異也

而底柱之東可毋復漕上以爲

然發卒數萬人作渠田數歲河移徙渠不利田者不能

償種

師古曰言所收之直不足償糧種之費也種音之勇反

久之河東渠田廢予

越人令少府以爲稍入

如淳曰時越人有徙者以田與之其租稅入少府也師古曰越

人習於水田又新至未有業故與之也稍漸也其入未多故謂之稍也

其後人有上書欲

通褒斜道及漕

師古曰褒斜二谷名其谷皆各自有水耳斜音弋奢反

事下御史

大夫張湯湯問之言抵蜀從故道故道多阪回還

師古曰抵

至也故道屬武都有蠻夷故曰道卽今鳳州界也回音胡內反

今穿褒斜道少阪近四

百里而褒水通沔斜水通渭皆可以行船漕漕從南陽

上沔入褒褒絕水至斜間百餘里以車轉從斜下渭如

此漢中穀可致而山東從沔無限便於底柱之漕且褒

斜材木竹箭之饒擬於巴蜀

師古曰擬比也

上以爲然拜湯子

卬爲漢中守發數萬人作褒斜道五百餘里道果便近

而水多湍石不可漕其後嚴熊言臨晉民願穿洛以溉

重泉以東萬餘頃故惡地

師古曰臨晉重泉皆馮翊之縣也洛卽漆沮水

誠卽

得水可令畝十石於是爲發卒萬人穿渠自徵引洛水

至商顏下

應劭曰徵在馮翊商顏山名也師古曰徵音懲卽今所謂澄城也商顏商山之顏也謂之

顏者譬人之顏額也亦猶山領象人之頸領○劉奉世

曰洛水南入渭商山乃在渭水之南甚遠何由穿渠至

其下也蓋自別一

岸善崩

如淳曰洛水岸也師古曰善崩言憲崩也

乃鑿井

深者四十餘丈往往爲井井下相通行水水隤以絕商

顏

師古曰下流曰隤

東至山領十餘里間井渠之生自此始穿

得龍骨故名曰龍首渠作之十餘歲渠頗通猶未得其

饒自河決瓠子後二十餘歲歲因以數不登而梁楚之

地尤甚上旣封禪巡祭山川其明年乾封少雨

師古曰乾音干

解在郊祀志

上廼使汲仁郭昌發卒數萬人塞瓠子決河於

是上以用事萬里沙則還自臨決河湛白馬玉璧

師古曰湛

讀曰沈沈馬及令羣臣從官自將軍以下皆負薪寘決

河師古曰寘音大千反是時東郡燒草以故薪柴少而下淇園之

竹以爲犍晉灼曰淇園衛之苑也如淳曰樹竹塞水決之口稍稍布插按樹之水稍弱補令密謂之

犍以草塞其中乃以土填之有石以石爲之師古曰犍音其偃反上旣臨河決悼功之

不成廼作歌曰瓠子決兮將奈何浩浩洋洋慮殫爲河

如淳曰殫盡也師古曰浩浩洋洋皆水盛貌慮猶恐也浩音胡老反洋音羊殫爲河兮地不

得寧功無已時兮吾山平如淳曰恐水漸山使平也韋昭曰鑿山以填河師古曰韋

說是也已止也言用功多不可畢止也吾山平兮鉅野溢如淳曰瓠子決灌鉅野澤使溢

也魚弗鬱兮柏冬日孟康曰鉅野滿溢則衆魚弗鬱而滋長迫冬日乃止也師古曰弗鬱

憂不樂也水長漏溢濊濁不清故魚不樂又迫於冬日將甚困也柏與迫同弗音佛正道弛兮離

常流

晉灼曰言河道皆施壞

蛟龍騁兮放遠游歸舊川兮神哉沛

臣瓚曰水還舊道則羣害消除神祐滂沛也師古曰沛音普大反

不封禪兮安知外師古

日言不因巡狩封禪而出則不知關外有此水

皇謂河公兮何不仁

張晏曰皇武帝也河

公也

泛濫不止兮愁吾人齧桑浮兮淮泗滿

如淳曰齧桑邑名爲

水所

久不反兮水維緩

師古曰水維水之綱維也

一曰河湯湯兮激

潺湲

師古曰歌有二章自河湯湯以下更是其一故云一日也湯湯疾貌也潺湲激流也湯音傷潺音仕

連反湲音于權反

北渡回兮迅流難

師古曰迅疾也音訊

牽長菱兮湛美

玉

如淳曰牽取也菱草也音郊一日菱竿也取長竿樹之用著石間以塞決河也臣瓚曰竹葦絙謂之菱也

所以引置土石也師古曰瓚說是也牽拔也絙索也湛美玉者以祭河也菱字宜從竹牽音騫菱音交又音爻

湛讀曰沈絙音工登反

河公許兮薪不屬

如淳曰早燒故薪不足也師古曰沈玉禮神見

許福祐但以薪不屬逮故無功也屬音之欲反

薪不屬兮衛人罪

師古曰東郡本衛地故言

此衛人之罪也

燒蕭條兮噫乎何以御水

師古曰燒草皆盡故野蕭條然也噫乎嘆

辭噫音

隤林竹兮犍石苗

師古曰隤林竹者卽上所說下淇園之竹以爲犍也石苗

音謂甬石立之然後以土就填塞之也苗亦甬耳音側其反義與甬同

宣防塞兮萬福來

於是卒塞瓠子築宮其上名曰宣防而道河北行二渠

復禹舊迹

師古曰道讀日導

而梁楚之地復寧無水災自是之

後用事者爭言水利朔方西河河西酒泉皆引河及川

谷以溉田而關中靈軹成國漳渠

如淳曰地理志蓋屋有靈軹渠成國渠名

在陳倉漳音韋水出韋谷

引諸川汝南九江引淮東海引鉅定

臣瓚曰鉅

定澤名也

泰山下引汶水

師古曰汶音問

皆穿渠爲溉田各萬餘頃

它小渠及陂山通道者不可勝言也

師古曰陂山因山之形也道引也陂

音彼義反道讀曰導一日陂山過山之流以爲陂也音彼皮反

自鄭國渠起至元鼎六

年百三十六歲而兒寬爲左內史奏請穿鑿六輔渠

師古

曰在鄭國渠之裏今尚謂之輔渠亦曰六渠也

以益溉鄭國傍高卬之田

師古曰素

不得鄭國之溉灌者也卬謂上向也讀曰仰

上曰農天下之本也泉流灌漑

所以育五穀也

師古曰漑古浸字

左右內史地名山川原甚衆

細民未知其利故爲通溝瀆畜陂澤

師古曰畜讀曰蓄

所以備

旱也今內史稻田租挈重不與郡同

師古曰租挈收田租之約令也郡謂

四方諸郡也挈音苦計反

其議減令吏民勉農盡地利平繇行水勿

使失時

師古曰平繇者均齊渠堰之力役謂俱得水利也繇讀曰徭

後十六歲大始

二年趙中大夫白公

鄭氏曰白姓公爵時人多相謂爲公師古曰此時無公爵蓋相呼尊

老之稱耳

復奏穿渠引涇水首起谷口尾入櫟陽

師古曰谷口今雲陽

縣治谷是也

注渭中袤二百里

師古曰袤長也音茂

溉田四千五百餘

頃因名曰白渠民得其饒歌之曰田於何所池陽谷口

鄭國在前白渠起後

師古曰鄭國興於秦時故云前

舉畱爲雲決渠爲

兩

師古曰畱鑿也所以開渠者也

涇水一石其泥數斗且溉且糞長我

禾黍

如淳曰水淳淤泥可以當糞

衣食京師億萬之口言此兩渠饒

也是時方事匈奴興功利言便宜者甚衆齊人延年上

書

師古曰史不得其姓

言河出昆侖經中國注勃海是其地勢西

北高而東南下也可案圖書觀地形令水工準高下開

大河上領

晉灼曰上領山頭也

出之胡中東注之海如此關東長

無水災北邊不憂匈奴可以省隄防備塞士卒轉輸胡

寇侵盜覆軍殺將暴骨原野之患天下常備匈奴而不

憂百越者以其水絕壤斷也此功壹成萬世大利書奏

上壯之報曰延年計議甚深然河迺大禹之所道也

師古

日道讀

聖人作事爲萬世功通於神明恐難改更自塞

宜房後河復北決於館陶分爲屯氏河

師古曰屯音大門反而隋室分

析州縣誤以爲毛氏河乃置毛州失之甚矣

東北經魏郡清河信都勃海入

海廣深與大河等故因其自然不隄塞也此開通後館

陶東北四五郡雖時小被水害而兗州以南六郡無水